

খাতা দেখতে বিলম্ব

দেড় হাজার ভাসিটি শিক্ষকের পারিশ্রমিক কাটা গেছে

বিশ্ববিদ্যালয় রিপোর্টার : গত তিন বছরে ঢাকা বিশ্ববিদ্যালয়ে বিভিন্ন পরীক্ষার খাতা বিলম্বে জমা দেয়ার জন্য ১ হাজার ৬শ ৬৬ জন শিক্ষকের পারিশ্রমিক কর্তন করা হয়েছে বলে সংশ্লিষ্ট সূত্র থেকে জানা গেছে।

বিশ্ববিদ্যালয় সূত্রে জানা গেছে, নিয়ম রয়েছে অনার্স এবং মাস্টার্স পরীক্ষার খাতা প্রতিদিন ৬টি ও পাস কোর্স এবং সাবসিডিয়ারী প্রতিদিন ১০টি করে দেবার। কিন্তু শিক্ষকদের অবহেলা ও সময় ক্ষেপণের কারণে দেখা যায়, অনেক শিক্ষক আছেন যারা প্রতিদিন একটি খাতাও দেখেন না।

একজন শিক্ষককে কমপক্ষে ৩শ

পরীক্ষার খাতা দেবার জন্য দেয়া হয়। নিয়মানুযায়ী সে-সব পরীক্ষার খাতা অনার্স এবং মাস্টার্স ৫০ দিন এবং পাস কোর্স বা সাবসিডিয়ারী পরীক্ষার খাতা ৩০ দিনের মধ্যে দেখে দেয়া বাধ্যতামূলক।

কিন্তু বিশ্ববিদ্যালয় সূত্রে জানা গেছে, সংশ্লিষ্ট শিক্ষকগণ সময় মতো কোন খাতা জমা তো দেনই না, উপরন্তু আরো কয়েক মাস দেরি করে জমা দেন।

এভাবে শিক্ষকদের অহেতুক বিলম্বের ফলে, দেখা যায় পরীক্ষার ফল প্রকাশে বিলম্ব ঘটে। অনেক সময় সেশনজটেরও আশংকা দেখা দেয়।

পরীক্ষার খাতা নির্দিষ্ট সময়ে দেখে (৮-এর পূঃ ৮-এর কঃ দ্রঃ)

প্রথম পৃষ্ঠার পর দেড় হাজার

জমা না দেয়ায় কর্তৃপক্ষ গত তিনটি শিক্ষাবর্ষে শিক্ষকদের পারিশ্রমিক কর্তন করেছেন। উল্লেখ্য, প্রতিটি খাতা দেবার জন্য একজন শিক্ষককে দশ টাকা করে পারিশ্রমিক প্রদান করা হয়।

১ হাজার ৬শ ৬৬ জন শিক্ষকের মধ্যে অনেকেই তাদের পারিশ্রমিক যাতে না কাটা হয় তার জন্য আবেদন করেন।

সূত্র জানিয়েছে, ২৫ জন শিক্ষকের মাত্র পারিশ্রমিক কর্তন মওকুফ করা হয়েছে।